

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj: 52/25), člana 5. Pravilnika o finansiranju/sufinansiranju članarina u sportskim klubovima djece i mladih sa područja Općine Centar („Službene novine Kantona Sarajevo“, broj 07/25, br. 13-11-3665/25 od 27.5.2025. godine i 13-11-2814/26 od 28.04.2026. godine) i Odluke o pokretanju postupka raspisivanja i provođenja javnog poziva, broj: 13-11-2814/26 od 18.05. 2026. godine, Općinski načelnik objavljuje

**Javni poziv
za dodjelu sredstava iz granta za finansiranje/sufinansiranje članarina u
sportskim klubovima djece sa područja općine Centar**

I OPIS PROGRAMA

U cilju ostvarivanja javnog interesa iz oblasti sporta, promocije tjelesne aktivnosti, zdravog načina života i zbog osiguravanja dostupnosti sportskih aktivnosti djeci u stanju socijalne potrebe, Općina Centar Sarajevo planirala je sredstva u Budžetu Općine Centar za 2026. godinu za finansiranje/sufinansiranje članarina u sportskim klubovima, u ukupnom iznosu od 30.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstva mogu ostvariti pojedinci koji ispunjavaju sljedeće uslove:

- a) da imaju prebivalište na području općine Centar Sarajevo najmanje godinu dana od dana podnošenja zahtjeva;
- b) da su starosne dobi od 7 do navršених 15 godina života;
- c) da su aktivni članovi sportskog kluba;
- d) da ukupna primanja porodičnog domaćinstva ne prelaze iznos od 2.000,00 KM (sa svim obustavama).

Prednost u ostvarivanju prava će imati kandidati sa najnižim ukupnim primanjima porodičnog domaćinstva.

III TRAJANJE JAVNOG POZIVA

Javni poziv se objavljuje na web stranici Općine i ostaje otvoren 15 (petnaest) dana od dana objavljivanja.

Zahtjeve za ostvarivanje prava podnose roditelji/staratelji korisnika (djece i mladih) na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

IV KOMISIJA ZA PROVOĐENJE POSTUPKA

Pristigle zahtjeve će razmatrati Komisija za provođenje postupka odabira korisnika za sufinansiranje članarina, a koju imenuje općinski načelnik.

Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnositelja prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Nakon razmatranja pristiglih prijava, Općinski načelnik će na prijedlog Komisije objaviti Preliminarnu listu korisnika na oglasnoj ploči.

Podnositelji prijave imaju mogućnost prigovora na odluku, kao i mogućnost prijave sumnje na postojanje sukoba interesa u roku od 8 dana od dana objavljivanja preliminarne liste korisnike.

Nakon okončanog postupka obrade prigovora, Općinski načelnik će objaviti konačnu listu korisnika.

V NAČIN DODJELE NOVČANIH SREDSTAVA

Novčana sredstva za finansiranje/sufinansiranje članarina u sportskim klubovima djece i mladih sa područja općine Centar Sarajevo dodjeljivat će se na osnovu zaključka o isplati sredstava.

Korisnici sredstava obavezni su u roku od mjesec dana po utrošku sredstava dostaviti nadležnoj službi izvještaj sa dokumentacijom o namjenskom utrošku sredstava.

Namjenski utrošak sredstava podrazumijeva dostavljanje potvrde sportskog kluba o redovnom i aktivnom učešću u trenažnim procesima, te dokaz o uplati sredstava za mjesečnu članarinu.

Korisnici koji ne opravdaju dodijeljena sredstva, u obavezi su izvršiti povrat nenamjenski utrošenih ili neiskorištenih sredstava Općini, u roku od sedam (7) dana od zaprimanja zahtjeva Općine za povrat istih.

Prihvataju se troškovi koji su nastali u periodu od 01.01. do 31.12.2026. godine.

VI IZNOS SREDSTVA

Maksimalan iznos članarine koji će Općina finansirati na mjesečnom nivou iznosi 80,00 KM, a u ukupnom trajanju od 10 mjeseci na godišnjem nivou. Ukoliko je iznos mjesečne članarine manji od 80,00 KM, Općina će finansirati iznos stvarne članarine.

VII POTREBNA DOKUMENTACIJA

Uz zahtjev, koji je sastavni dio Javnog poziva, podnosilac zahtjeva je dužan priložiti sljedeću dokumentaciju:

- a) Uvjerjenje o kretanju korisnika sredstava - pojedinca koje je aktivan član sportskog kluba;
- b) Potvrda kluba o visini mjesečne članarine i da je podnosilac zahtjeva aktivan član kluba;
- c) Kućna lista;
- d) Dokaz o visini primanja za sve punoljetne članove domaćinstva;
- e) Potvrda od banke o otvorenom računu.

Obrazac prijave na Javni poziv se smatra sastavnom dokumentacijom Javnog poziva, te prijave na Javni poziv neće biti uzete u razmatranje i dalju analizu bez adekvatno popunjenog obrasca. Obrazac prijave na Javni poziv će se nalaziti uz tekst Javnog poziva, na službenoj stranici Općine Centar Sarajevo (www.centar.ba).

VIII NAČIN PODNOŠENJA ZAHTJEVA

Prijave na Javni poziv podnose se lično na protokol ili putem preporučene pošte na adresu
Općina Centar Sarajevo

Služba za obrazovanje, društvene djelatnosti, kulturu i sport – Odsjek za kulturu i sport
Mis Irbina 1
71000 Sarajevo

Za sve dodatne informacije, korisnici mogu pozvati broj telefona 033/562-395, 033/562-360 ili poslati upit na mail: sport@centar.ba.

OPŠTINSKI NAČELNIK

Srdan Mandić

Broj: 13-11-2814/26
Sarajevo, 15.05.2026. godine